

ତୀତସଙ୍କ ନିକଟକୁ ପାଠଲଙ୍କ ପତ୍ର ତିତସ ଡାଣା ପାଞ୍ଜୁଲ ରାଢ଼ାମାନି ଆକୁ ମୂଲୁ ହାଡ଼ା

ପାଞ୍ଜୁଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସ୍ପେ ର ମାଣସିତି ଝେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଲୁ ଆକୁ, ତିମତି ରା ଲମ୍ବର ଆକୁ ଅଡ଼େ ପିଲିମନ । ଇ ଆକୁ କ୍ରୀସ୍ତ ଜାନୀଆଡ଼ି ୬୩ ଟିଏ ୬୫ ବିତ୍ରା ରାସ୍‌କି ଆହାମାନେ ।

ତିତସ ଏଟକା କୃତାତାସି ଆହାନା କ୍ରୀସ୍ତାନା ଆହାମାଟି ର ଦାଂଗ୍‌ଶେଏସି ମାଚେସି, ଏଞ୍ଜାସି ମାହାପୁରୁ କାତା ଝେହ୍‌ନି ପାଞ୍ଜୁଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲ୍‌ଝି କିହାଲି ପାଞ୍ଜୁଲ ଏଞ୍ଜାଣାଲ୍ ଏମ୍‌ଆଁ ପିସାନା ଇ ଆକୁ ପାଣ୍ଡାନା ତାନିଗଟା ନେହ୍‌କ୍ ଅଣ୍‌ପାଲି ରାଡ଼ିମାନେସି । ର କାତା ଇଦି କ୍ରିତିତା ମାନାରି ବିତ୍ରାଟି ହାଟ୍‌ରେକା ଲକୁ ଲାଗେଏ ପଲେଏ ଅଣ୍‌ପୁ ଗାଟାରି ମାଟାକି ଏନିଲେହେତି ଅଣ୍‌ପୁ ଗାଟାରାଲ୍ କୁଲମିତି କାଜାରି କିହାନା ଇଟିନାୟି ମାନେ । ଅର କାତା ଇଦି ବୁଡ଼ହାୟାଲ୍, ବୁଡ଼ହିସିକାଣି, ଡାଆସିକାଣି, ଦାଂଗ୍‌ଶାୟାଣି, ହଲିୟାକାଣି ଏନିକ୍ ଗଟି ଗଟି କିହାନା ଜାପୁହାଲି ଆନେ । ତାୟୁତି କାତା ଇଦି କ୍ରୀସ୍ତାନା ଆହାମାନାରି ଏନିକ୍ ନୀଡ଼ିନାୟି ମାନେ । ଏଞ୍ଜାରି ଜୀସୁ ନନାରି ଅଡ଼େ ସୁଦୁଗାଟାରି ଆପେରି, ଲାଗେଏତି କାତାୟାଁ ପିସ୍‌ପେରି, ଗଡ଼ହା କିଝି କିହାନା କୁଲମିତି ଗଟି ଗଟି କିଆପେରି ।

ପତିତା ମାନାୟି

୧. କୁଲମିତା ଦାମ୍‌ଗାଟାରାଲ୍ ଆଟାଲି ଝେହ୍‌ନାୟି । ୧:୧-୧୭
୨. ଦାମ୍‌ ଜୀସୁତଲେ ନୀଡାଲି ଅଡ଼େ ଜାପୁହାଲି ଝେହ୍‌ନାୟି । ୨:୧-୩:୧୧
୩. ତାୟୁତି କାତା ଅଡ଼େ ଜହରା ତଲେ ଆକୁତି ରାପୁନାୟି । ୩:୧୨-୧୫

୧ ପାଖୁଲ, ମାହାପୁରୁତି ହଲେଏଣାତେଏଁ ଇଞ୍ଜା ଜୀସୁ କ୍ରୀସ୍ତ ତାଣାଟି ପାଣ୍ଡୁଓ ଆହାମାନାତେଏଁ ।

ମାହାପୁରୁ ଆଚାମାନି ଲକ୍ଷୁତି ନାମୁ ପାଡିକିହାଲି ଅଡେ କାଲାକାଲାତି ଜୀସୁ ମେଡାଆନି ଆସାତି ଦାମ୍ବୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଓ ଆହାମାଇ । ୨ କାଲାକାଲାତି ଜୀସୁତି ଆସା ହୀହାଲିତାକି, ଏମିନି ମାହାପୁରୁ ଆଞ୍ଜାମାତେସି, ଏଞ୍ଜାସି ଏଚେଲା ମିତି ଜଲାଆଗାଟାସି । ୩ ଏ କାଲାକାଲାତି ଜୀସୁ ସାତା ମାହାପୁରୁ, ହାରେକା କାଲା ନଡେଏ ଆଞ୍ଜାନା ସମାନା ଦେଲାତା ତାନି ବଲୁ ଝେକନି ତାଣାଟି ତସାମାନେସି; ଏ ବଲୁ ଝେକନି ବଲୁ ମା ଗେଲପାନି ମାହାପୁରୁ ହୁକୁମି ତଲେ ନା ତାଣା ହେର୍ପି ଆହାମାଞ୍ଜାନେ ।

୪ ✧ନା ସମାନା ନାମିତାସି ଅଡେ ନାମୁତା ନା ଜୀସୁତି ମୀର୍ଏସି ତିତସ ତାଣା ଇ ଆକୁ ରାଡିମାଇଁ ।

ଆବା ମାହାପୁରୁ ଅଡେ ମାଙ୍ଗେ ଗେଲପାନି କ୍ରୀସ୍ତ ଜୀସୁ ମିଙ୍ଗେ କାର୍ମା ଅଡେ ହିଡଡି ହିୟାପେସି ।

କ୍ରିତିତା ତିତସ କାମା କିନାୟି

୫ ନାମୁ ଝେସ୍ତାତିଲେହେଁ ରାଆତି କାମାତି ରାପୁହାଲି ତାକି, ଅଡେ ବାରେ ଗାଡାତା ପ୍ରାଟିନାଙ୍ଗାଣି କାମା ହେର୍ପାଲି ତାକି ନାମୁ କ୍ରିତିତା ନିଙ୍ଗେ ପିସା ଖାୟାତେଏଁ; ୬ ✧ଆମ୍ବାଆସି ଦହ୍ ହିଲାଆଗାଟାସି, ରଣ୍ଡିଏ ଡକ୍ରିନି* ଡକ୍ଟା, ଆମ୍ବାଆରି ମୀର୍କା ମାସ୍କା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନୁଓ ଆଆଗାଟି କାମା କିଅରି ଏଞ୍ଜାରାଇଁ ଆଚାହାଁ ପ୍ରାଟିନା କିମୁ । ୭ ଇଚିହ୍ କାଜାସି, ମାହାପୁରୁତି ଗୁମୁସ୍ତା ଆହାଁ ଦହ୍ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାରୁବି ଆନାସି କି କାଡୁ ଗୁହନାସି କି ଗଡହା କିନାସି କି ଦନ ଜୁପକା ଗାଟାସି ଆଆନା, ୮ ଏଞ୍ଜାସି ଗତାୟାଣି ଆକ୍ରା କିନାସି, ଏନାୟି ନେହାୟି ଏଦାଆଁ ଜୀସୁ ନନାସି, ଜାହାରାଇଁ ଲକନାସି, ଦାମ୍ବୁଗାଟାସି, ସୁଦୁଗାଟାସି, ଇଞ୍ଜା ମେରା ମାନୁଓ ଆନାସି ଆପେସି । ୯ ଅଡେ ଏନିକ୍ ଏଞ୍ଜାସି ଲକ୍ଷୁତାକି ନେହାଁଣି ଜାପୁହାନା

✧ ୧:୪ ୧:୪ ୨କର ୮:୨୩; ଗାଲା ୨:୩; ୨ଡିମ ୪:୧୦ ✧ ୧:୬ ୧:୬ ୧ଡିମ ୩:୨-୭

* ୧:୬ ୧:୬ ରଣ୍ଡିଏ ବାହା ଡକ୍ଟି

ରାହାଁ ହାହାଲି ଇଞ୍ଜାଁ ମାହାପୁରୁ କାତା କପାଟି ଖେହନାରାଲ୍ ଲାଗାଲି
ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣେ ଆସାଁ ମାଞ୍ଜୁ
।

୧୦ ଇଚିହିଁ ହାରେକା ନାମାଆଗାଟି ଲକୁ, ଉଜେଏତି କାତାତଲେ
ନାଡ଼ିକିନାରି ମାନେରି, ହାରେକା ଜୀହୁଦି କ୍ରୀସ୍ତାନା ଲକୁ ବିତ୍ରାଟି
ମାନେରି । ୧୧ ଲାଗେଏତି କାତାଟି ଏଞ୍ଜାରି ଗୁଡ଼ି ମୁଦା କିନାୟିମାନେ,
ଏଦାଆଁତାକି ଇଚିହିଁ ଏଞ୍ଜାରି ଦନ ଜୁପକାତାକି ଲାଗେଏତି କାତା
ଜାପୁହିହିଁ ର ର ଇଲୁ କୁଟମିତି ମାହାପୁରୁ ଜିରୁ ବାଣି କିନେରି ।
୧୨ ଏଞ୍ଜାରି ବିତ୍ରାଟି ରଅସି ଏଞ୍ଜାରି ମାହାପୁରୁ ଅଣପୁଡ଼ି ବଲୁ ଖେହନାସି
ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି
ଖେହନାରି, ଜନ୍ତ ସମାନା ଅଡ଼େ ନିସ୍ତା ଇଞ୍ଜାଁ ଟିଶ୍ଟିକାଞ୍ଜୁୟାଁ । ୧୩ ଇ
କାତା ସାତା । ଏଦାଆଁତାକି ଏଞ୍ଜାରାଲ୍ ଗାଡ଼ି ଦାକା ହାହାଁ ଲାଗାମୁ,
ଏନିକିଁ ଏଞ୍ଜାରି ନାମୁତା ପାତା ଆନେରି । ୧୪ ସାତାଟି ପିସାମାନି
ଲକୁଡ଼ି ମେରା, ଜୀହୁଦି ଲକୁଡ଼ି କହୁୟାଁ, ମନ ହାଅରି ଏଦାଆଁତାକି
ଏଞ୍ଜାରାଲ୍ ଜାପୁମୁ । ୧୫ ଅର୍ହି ଆଡ଼ି ଲକୁଡାକି ବାରେଏ ଅଡ଼ିନେ, ସାମା
ପଲୁଆ ଗାଟାରାକି, ମାହାପୁରୁଲ୍ ନାମାଆ ଗାଟାରାକି ଏନାୟି ଜିକେଏ
ଅଡ଼େଏ, ଇଚିହିଁ ଏଞ୍ଜାରି ମନ ଅଡ଼େ ଅଣପୁ ବାରେ ପଲୁଆଗାଟାୟି
। ୧୬ ଏଞ୍ଜାରି ମାହାପୁରୁଲ୍ ପୁଞ୍ଜାମାନମି ଇଞ୍ଜାଁ ଜଲିନେରି, ସାମା
ଏଞ୍ଜାରି କାମା ତଲେ ମାହାପୁରୁଲ୍ ପୁନାଆଡ଼ି ଲେହେଁ ଆନେରି, ଏଞ୍ଜାରି
ଅପାଆଗାଟାରି, ଅଡ଼େ କାତା ଆହୁଆଗାଟାରି ବାରେ ନେହିଁ କାମାତା
ପାଡ଼ାଆଅରି ।

୨

ନେହିଁ ଦାମ୍ବୁ ଜାପୁନାୟି

୧ ମା ଦାମ୍ବୁଡ଼ି କାତାୟାଁ ନେହିଁ କିଁ ଜାପୁମୁ । ୨ ବୁଡ଼ହା ଆବାୟାଁଲ୍
ତଣେ ଆୟାଲି, ନେହିଁ ଅଣପୁ, ନେହିଁ ବୁଦି, ଅଡ଼େ ନାମୁ,
ଜୀଞ୍ଜୁନନାୟି, ଇଞ୍ଜାଁ ଅରହିନି ତାଣା ବାଡ଼ୁୟୁ ଆୟାଲି; ୩ ଅଡ଼େ
ବୁଡ଼ହିଁ ଇୟାସିକାଣି ଜିକେଏ ଏଲେକିହିଁ ଏ ସାକ୍ତି ଗାଟାଲ ଇଞ୍ଜାଁ
କାତୁ ଗହନାଇ ଆଆନା ସୁଦୁଜୀଞ୍ଜୁ ତଲେ ନୀତାନା ନେହିଁ କାତା
ଜାପୁହାଲି ବାଡ଼ିମାଲିହିଁ ଖେହମୁ; ୪ ଏଦାଆଁତାକି ଡାଆ ଆୟାସିକା

ତାମି ତକ୍ରାୟାଣି, ମୀରକା ମାୟକାଣି ଜୀଞ୍ଜୁ ନହାଁ, * ଜାହାରାଙ୍କ ସାପି ଆୟାଲି, ଅଟହା କତାନା, ଇଲୁତି ନେହଁ କଁ ଲେମ୍ପାଲି, ନେହଁ ଗୁଣ୍ଡୁ, ଇଞ୍ଜା ଜାହାରା ତକ୍ରାୟା କାତା ମାନଞ୍ଜି ଆୟାଲି, ଜାପ୍ମୁ, ଏନିକଁ ମାହାପୁରୁତି ବଲୁ ନିନ୍ଦାଆଏ ।

୬ ଏଲେକିହଁଏ ଦାଂଗଣାୟାଣି ବାରେ କାତାତା ନେହଁ ବୁଦି ଆହାଲି ରାହାଁ କିଞ୍ଜି କିମ୍ପୁ; ୭ ନୀ ବାରେ ମାଣକିତା ସାତା କାମାତି ନେହଁ ଗୁଣ୍ଡୁ ତହୁମ୍ପୁ, ଜାପ୍ମି ତାଣା ଆଟ୍ଝା ଅଡେ ମାନିଗାଟି ମାଣସି ଆହାନା ନେହଁ ହାଡା ତଲେ ଝେହ୍ମୁ । ୮ ଏନିକଁ ମିଙ୍ଗେ ଲାଗେଏ କିହାଲି ଅଣପିମାନି ଲକୁ ମିଙ୍ଗେ ଝେଣ୍ଡେ ଝେସାଲି ଆଡାଆନା ଲାଜା ବେଟାଆନେରି ।

୯ ହଲିୟାଙ୍ଗା ତାମି ସାଞ୍ଜୁକାରି କାତା ମାନଞ୍ଜି ଆହା ତୟାପେରି, ଅଡେ ବାରେ କାମାତା ସାଞ୍ଜୁକାରିଙ୍କ ରାହାଁ କିନାରି ଆପେରି, ଏଞ୍ଜାରି ଝେଣ୍ଡେ ଜଲ୍ଲାଆପେରି, ୧୦ ଏନାଆଁ ସରୁ କିଆନା ନେହଁ ନାମୁତଲେ ଚିକାଣା କାମା ତସ୍ପାରି, ଆତିହଁ ମାଙ୍ଗେ ଗେଲ୍ପାନି ମାହାପୁରୁତି ଦାମ୍ପୁ ଜାପ୍ମନାଣି ନେହାୟି ଇଞ୍ଜି ଝେଙ୍ଗି କିନେରି ।

୧୧ ଇଚିହଁ ବାରେ ମାଣସି କୁଡାଙ୍କ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି, ୧୨ ଅଡେ ମାର ଏନିକଁ ଲାଗେଏତି ଦାମ୍ପୁ, ଦାରତିତି ଜୁପ୍ମକା ପିସାନା ଇ ନୀଏତି ଜୁଗୁତା ନେହଁ ବୁଦି, ଦାମ୍ପୁ ଅଡେ ମାହାପୁରୁତି ଆଜିତଲେ ନୀତିନ, ୧୩ ଅଡେ ଏ ରାହାଁତି ବାସ୍ମୁ ମା କାଜା ମାହାପୁରୁ ଗେଲ୍ପାନି କ୍ରୀସ୍ତ ଜୀସୁତି ଗାଞ୍ଜୁରମି ତଞ୍ଜାଆନାଣି କାଚିହଁ ତୟିନ, ଇଦାଆଁତାକି ମାଙ୍ଗେ ଜାପ୍ମହି ମାଞ୍ଜାନେ । ୧୪ *ଏ କ୍ରୀସ୍ତ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପି କିୟାଲି ଅଡେ ତାଙ୍ଗେତାକି ସାତା କାମାତାକି ରାହାଁଟି ତାନି ଲକୁ ଲେହେଁ ଅଟହାଲି ତାନୁଏ ମା ତାକି ହେରପି ଆଡେସି ।

୧୫ ଇ ବାରେ କାତା ଜଲିହଁ ବାରେ ଅଦିକାରା ତଲେ ସାସା ହୀମ୍ପୁ, ଅଡେ ଦାକା ହୀମ୍ପୁ । ଏନିକଁ ଆମ୍ବାଆରି ନିଙ୍ଗେ ହୀଣି କିୟାଆପେରି ।

* ୨:୧୪ ୨:୧୪ ଯିତ ୨:୯

୩

କ୍ରୀସ୍ତୀନା ଲକ୍ଷ୍ମୀ କାମା ଇଞ୍ଜା ଗୃଣୁ

୧ ଦେସାତି ସାଲୁଞ୍ଜି କିନାରି ଅଦିକାରା ବେଟାଆହା ମାନାରି ତୁଇ ମାଞ୍ଜାନା, ଏଞ୍ଜାରାଇଁ ମାନ୍ନି କିହାନା, ଅଡ଼େ ବାରେ ନେହଁ କାମା କିହାଲି ଜାଗ୍ରାତା ଆଦୁ, ୨ ଆମ୍ବାଆରାଇଁ ନିନ୍ଦା କିଆନା, ଆମ୍ବାଆରି କପାଟି କାମା କିଆନା, ବାରେ ଲକ୍ଷ୍ମୀ ନକିତା ଉଣା ଆହାଲି, ସୁଦୁ ସୁଖାଲା ତସାଲି ବାରେ ଲକ୍ଷ୍ମୀ ନକିତା ଅଣ୍ଡି କିମ୍ପୁ । ୩ ଇତିହଁ ମାର ଜିକେଏ ନକେଏ ବୁଦିହିଲାଆ ଗାଟାତାୟି, କାତା ଆହୁଆ ଗାଟାତାୟି, ଲାଗେଏତି ଜିରୁଟି ହାଜିମାତାୟି, ଏନି ଏନି ଜୁପକା ଅଡ଼େ ସୁକୁ ଦୁକୁତି ହଲିୟା ମାତାୟି, ତାହାରା ଅଡ଼େ ତାହାରା ତଲେ ମାତାୟି ଇଞ୍ଜା ଅପ୍ପୁ ଆଆଗାଟି ଲକ୍ଷ୍ମୀ ଆହା ଅପ୍ପୁ ଆହି ହିଲାଆତାୟି । ୪ ସାମା ଏତିବେଲା ମାଙ୍ଗେ ଗେଲ୍ପାନି ମାହାପୁରୁତି କାର୍ମା ଅଡ଼େ ମାଣ୍ଡି ଜାଡ଼ି ତାକି ତାନି ଜୀଞ୍ଜୁନନାୟି ତଞ୍ଜାଆଡ଼େ, ୫ ଏତିବେଲା ଏଞ୍ଜାସି ମା କିତି ଦାମ୍ପୁ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜି ଜାନୀତି ଏନ୍ଦୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜି ଗାଡ଼ିକିହାଁ ଗେଲ୍ପାମାଞ୍ଜାନେସି, ୬ ଏ ନେହଁ ଜୀଞ୍ଜୁତି ମାଙ୍ଗେ ଗେଲ୍ପାନି ଜୀସୁ କ୍ରୀସ୍ତ ତାଣ୍ଡାଟି ହାଡ଼େପୁରେ ମା ଲାକ ହୀୟାତେସି, ୭ ଏନିକଁ ମାର ତାନି କାର୍ମାମେହନାଣି ତଲେ ଦାମ୍ପୁ ଗାଟାତାୟି ଆହାନା ବାସୁ ତଲେ କାଲାକାଲାତି ଜୀଞ୍ଜୁତି ଅଦିକାରା ଆନାୟି । ୮ ଇ କାତା ସାତା ଆଡ଼େ । ଅଡ଼େ ଏନିକଁ ମାହାପୁରୁଇଁ ନାମିନାରି ବାରେ ନେହଁ କାମାତି ଅଣ୍ଡିହଁ କିନେରି, ଏଦାଆଁତାକି ଇ ବାରେ ଜାଣ୍ଡେତଲେ ଜାପ୍ପୁ ଇଞ୍ଜା ନା ଅଣ୍ଡିପୁ, ଇ ବାରେ ଲକ୍ଷ୍ମୀତାକି ନେହାୟି ଇଞ୍ଜା ଅଜିତାୟି । ୯ ସାମା ଲେନିପନିଏ ବାଦିବାଦା କାତା ଜଲିନି ତାଣ୍ଡାଟି, ଆକୁ ଆବାୟା ଦରକା ତାକି, ଗଡ଼ହା ଅଡ଼େ ମେରାତାକି ଗଡ଼ହାଟି ହେକ ମାନାମ୍ପୁ, ଇତିହଁ ଏ ବାରେ ଲାବା ହିଲାଆ ଉଜେଏତାଇ । ୧୦ ଜିରୁ ବାଣି କିନି ଲକ୍ଷ୍ମୀ, ର ଦେବା ରୀ ଦେବା ଦାକା ହୀହାଁ ଜାଗ୍ରାତା କିପୁ, ଅଡ଼େ ତାୟୁ ଏଞ୍ଜାଣି ତାଣ୍ଡାଟି ହେକ ଆଦୁ; ୧୧ ଇଲେତି ଲକ୍ଷ୍ମୀ ତାନି ଜିରୁ ବାଣାଆହା ମାନେରି, ଇଞ୍ଜା ପାପୁ କିହାଁ ଜାହାରାତି ଦହ କିନେରି, ଇଦାଆଁ ମାରୁ ପୁଞ୍ଜାମାଞ୍ଜେରି ।

ରାନ୍ତି ବେଲାତା ଜାପ୍‌ନାୟି

୧୨ ☆ଏଚିବେଲା ନାନୁ ମୀ ତାଣା ଆତମା କି ତୁକିକଇଁ ପାଣ୍ଡାଇଁ,
 ଏଚିବେଲା ନିକପଲିତା ନା ତାଣା ଖାହାଲି ଜାତୁନୁ ଆମ୍ବୁ, ଇଚିହିଁ
 ପେନିଝେଡ଼ା ରାଢ଼େ ଏମ୍ବାଆଁ ମାଞ୍ଜାଲି ଅଣ୍ଟାପାମାଇଁ । ୧୩ ଅକିଲା ଜିନା,
 ଅଡ଼େ ଆପଲକି ଏନାୟି ଲଡ଼ାମାନେ ଏଦାଆଁ ହୀହାନା ଜିରୁ ତହ୍ମୁ,
 ଏନିକିଁ ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ । ୧୪ ମା
 ଲକୁ ଜିକେଏ ଲଡ଼ାମାନି ତୀରପୁ କାମାତା ଲେମ୍ବୁଞ୍ଜି ଆହାଲି ଜାପ୍‌ନାୟି
 ମାନେ, ଏନିକିଁ ଏଞ୍ଜାରି ପାଡ଼େୟି ହିଲାଆ ଗାଟାରିଲେହେଁ ଆଅରି ।
 ୧୫ ନା ତଲେ ମାନି ବାରେଜାଣା ନିଙ୍ଗ ଜହରା କିହିମାଞ୍ଜାନେରି ।
 ନାମୁତା ଆମ୍ବାଆରି ମାଙ୍ଗେ ଜୀଞ୍ଜୁ ନହିମାଞ୍ଜାନେରି ଏଞ୍ଜାରାଇଁ ଜହରା
 କିଦୁ, ଅଡ଼େ ମାହାପୁରୁତି କାର୍ମାମେହ୍‌ନାୟି ମୀ ବାରେତାକି ଆପେ ।

☆ ୩:୧୨ ୩:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୭,୮; ୨ତିମ ୪:୧୨

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33